



文懷沙 ◆ 主編

隋唐文明

第十四卷

古吳軒出版社

文懷沙 ◆ 主編

隋唐文明

第十四卷

上海大學「大學叢書」

古吳軒出版社

圖書在版編目(CIP)數據

隋唐文明／文懷沙主編．《隋唐文明》編纂委員會編

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 N. Z12.7

中國版本圖書館CIP數據核字(2004)第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明
編：文懷沙
出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

本：889×1194 1/16

開印張：4027.5

總印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓(全100卷)

隋唐文明

第十四卷目錄

唐代詔令奏議書錄二

唐大詔令集一百三十卷(原闕卷十四至二十四、八十七至九十八)(二)

(卷七十二至一三〇)

註陸宣公奏議十五卷

[唐] 陸 贄撰 [宋] 宋敏求輯 [宋] 郎 曄註 四三一

唐代詔令奏議書錄

二



欽定四庫全書

唐大詔令集卷七十二

宋 宋敏求 編

典禮

南郊

大中元年南郊赦

乾符二年南郊赦

南郊

大中元年南郊赦正月十七日

欽定四庫全書

唐大詔令集
卷七十二

門下執大象者導陰陽之和帝率土者茂生植之化粵
自軒昊暨於唐虞側身皇階虛已大寶握金鏡之明耀
致玉燭之融明惠中國以綏四方欽上玄而育兆庶所
謂至德勞深企懷朕荷先帝之眷求奉祖宗之成憲獲
撫萬國統和三靈兢嚴不措惕勵神器寶賴天寧嘉寧
神祇降休鑒夷戎狄之聿來鳥獸草木之咸若真宰潛
運玄功啟光來禾豐登兵革偃息物不疵癘人無天昏

發揚氤氲數佑寡昧夙夜祇戴訂謨紀經尚懼德教之

未宣黎元之未泰恭虔之宮政朋邪之敗風常軫念困

窮思臻富庶每興赤子之嘆不知黃屋之尊爰因首政

克舉盛典告受命之纂緒展嚴配之盛儀崇燎升聞馨

香殷薦羣禮昭答百神來享精誠既達感慶良深是用

肆青恤刑改元建號利時者不廢使人者必行俾軍在

宥之恩以順發生之氣與之更始咸使惟新可大赦天

下改會昌七年為大中元年

欽定四庫全書

唐大詔令集
卷七十二

乾符二年正月七日南郊赦

元化序時日月啟貞明之照神功宰物乾坤垂覆時之
仁萬物仰而遂生百王體以為用朕虔膺睿命恭守丕
圖懼忝所承慮違厥道每駁朽以思戒若涉川而靡寧
自臨御以來夙宵增勵幸而文修政簡歲稔人安賞罰
惟公忠厚成俗道漸臻於清淨理將致於雍熙由是禮
上帝用答天休御端門以崇皇極是彰報本式叶元休
尚念盡於政事者未除害於時俗者未革盡施條制以

絕根源更表中恩仍行拜告昔殷湯解網實謂至仁漢文措刑永稱聖理在宥乃為君之德好生實有國之規今復承以陽春之時布其渙汗之典上符天意旁契人心大禮備陳典章克舉謀猷廣備聲教遐宣期昭恭於寰區亦涵濡於動植溥天率土既樂玄風四海九州宜覃慶澤可大赦天下自乾符二年正月七日昧爽以前大辟罪以下罪無輕重已發覺未發覺已結正未結正繫囚見徒常赦所不原者咸赦除之惟犯十惡叛逆以欽定四庫全書

唐八品令集卷七十二

上及故殺人官典犯入已賊蒸情涉巨竄及持杖行劫并故殺人者雖已傷未死更生意欲殺傷偶時死者並同已殺人法處分買賣毒藥開劫墳墓及刑獄之內官吏用情推勘不平因成冤濫無問有賊並不在原免之限款本睦親古今典制永惟負荷常切憂兢應宗室有材行可昇淪落在外並委宗正卿專加察訪旋申尚書門下量材處分惠安皇太后凡有總麻以上親各委所在搜訪聞奏仰酬顧復何擇親疎爰念播遷重命牽復

至於殂謝亦使惠綏用表深仁以彰玄化左降官量移近處已經移者更與量移如官至刺史准刺史月限例處分諸色官未復資者有司別條疏聞奏如合復資者五品以上中書門下便與處分六品以下任依常例選集丁憂去任及在憂制受貶者服闋日亦與量移緣責除降資正員官及緣累停免未經引用者並量與進改流入及降死從流者移近地如已收叙者量材錄用并僧尼道士移隸者亦放還勸善懲違朝廷大典苟或隳

唐八品令集卷七十二

奈何以聳人其流貶人其中或有情狀巨竄物議不容者不在該恩者流貶人如已亡殁家口欲還及須歸葬者聽隨所便如緣葬事幼弱飢寒不能自濟者委所在長吏量給棺槨優恤發遣左降官及流入等有官者如已歿各還本官亡官失爵服累禁錮者並從洗滌諸色流貶人元勅內云雖逢恩赦不在量移之限有自前年十月十二日敕書後已量移者五千里更與量移一千里三千里外與量移五百里情狀難容者不在此限天

德五城流入員罪素重元勅未經十載不得放還今屬
洪恩須令沾及宜減三年如年限以來滿便放還從九
月四日降郊禮勅後流貶及引決妄稱兇人等并重推
覆囚徒並不在此限近日奸險之徒多造無名文狀或
張懸文榜或譟造童謡此為弊源合處極法應捉獲此
色者准持杖却入合造毒藥例經赦不原其所得文狀
准律文於所在焚毀不得徵通賊以利疲人是叶政經
期為理本京兆府去年夏青苗錢每貫量放三百文所
欽定四庫全書

唐大詔令集
卷七十二

五

放錢如是有司占留色目委戶部准舊例據數支填其
咸通十一年以前百姓積欠兩稅斛斗及青苗權酒錢
并私草賦田棟麥趙棘棘等徵收不得空繁簿書者前
年十一月十二日敕令已令蠲放至今尚未了絕宜令
所司速具放免錢物數目分析奏聞如在官典所由腹
內者不在此限從咸通十三年夏以前京兆府所欠諸
陵園及諸軍諸使錢草斛斗并諸雜物一物以上宜並
放免其諸縣所欠府司錢草斛斗一物以上亦並放免

從咸通十三年夏以前京兆府所欠諸陵園驛騎丁
資三衛舊資錢亦並放免旬內逃亡人戶尚徵稅物切
要條疏以安疲瘵委京兆府差官逐縣勘覆其逃亡人
戶產業田地未有人承佃者其隨田地苗稅除柘權酒
錢及斛斗等並權放三年勒常切招召人戶三年後再
差官勘覆據歸復續却收稅從咸通十三年以前旬內
所欠延資庫戶部度支權酒除柘天和糴賑貸錢物斛
斗一物以上並宜放免內庄宅使巡官及人戶等應欠
欽定四庫全書

唐大詔令集
卷七十二

六

大中十四年以前至咸通八年以前諸色錢六萬二千
三百八十貫三百文斛一十萬三千七十四石九十絲
二十二萬七千五百八兩麻二千四百七十斤草二十
六萬五千八百五十五束念其累歲不捨人戶貧窮徒
有鞭笞終難徵納並宜放免三司所錢物已遣不徵必
慮依近遣尚猶追擾度支戶部鹽鐵三司應收管在城
及諸州府諸場監院所欠咸通十年以前諸色錢物斛
斗等前年十月十二日敕文並令放免所司不得更生

節目要有進徵如聞所司官吏緣循至今尚有監勘都非公但務生情歲月轉深奸弊頗甚各委本司差定官一人專勾當但據見在文帳檢勘除官典所由請領官錢和糴和市及在場官供官招商所由帳內正身見在外其身已亡歿曾經檢責及其身見在貧窮家業蕩盡無可徵納者并逃竄捕役未獲因繫妻男攤徵保人等仰使據年額請免除去簿書不得更行文牒妄有監問敕書下後限一箇月內具放免錢物單數分析聞奏如

欽定四庫全書

唐文宗皇帝
卷七十二

七

更稽遲本勾當即官當議貶黜典吏等痛加懲斷停解天下州縣官銓司注擬便有選自朝廷多故三司監院官索州縣承迎云是制院恐嚇州縣影占富豪從今後有監院處亦仰州縣常加聽察如監院官有不公不進各申本州行牒本司使如狀事稍重仰專差使送中狀本司事大則任聞奏兼申中書門下御史臺以憑推勘所冀通相檢察不敢侵凌諸司更換素有定規近日苟且緣循漸至虛折商徒則獲利倍於往日所司則侵損

轉難任持若不條疏積成蠹弊其三司更換宜令准咸通十五年閏四月二十一日度支所奏處分如尚踵前必舉朝典制置新歲酒錢其戶貧破者州縣不令破戶或賣柴傭力以納稅令所由司條疏聞奏其河南府界蒿荒地委河南尹於稅錢三分之量與免二分勿令使無路營生聚為草賊其天下州縣除已准元勅徵收兩稅權酒錢茶鹽利旨支米價等分外餘額外加徵別配及販柴炭之人納稅等元無勅文緣本道奏請降勅並

欽定四庫全書

唐文宗皇帝
卷七十二

八

仰勅內使皆停罷仍限勅到後二十日內外分析聞奏並不罪今日已前之事如又不已必舉明刑曾經水旱已放徵科或慮緣循須更提舉諸道州府或有遭水旱甚處去年夏稅合納苗稅等錢委本州府長吏酌量蠲放其咸通十年以前所欠負兩稅錢米等在百姓腹內徵收不上者前年十一月十二日敕書已放免仍委州府速檢勘放分析奏聞所在州縣除前資寄住實是衣冠之外便各將攝官文牒及軍職賂遺全免科差多是豪

富之家致苦貧下准會昌中勅家有進士及第方免差役其餘只庇一身就中江南富人多一武官使庇一戶致使貧者轉更流亡從今後並依百姓一例差遣仍委方鎮各下諸州准此檢點江淮運米本實閩中只緣徐州用軍發遣全無次第運腳價妄被占射本色米空存簿書遂使倉廩漸虛支備有闕緣循弛慢全自職司宜令轉運使速具條疏分析聞奏纔及春緩使須差清強官吏節級催驅嚴立科條須及舊額苟或踴前容易必

欽定四庫全書

唐大詔令集

舉朝章郵傳供頻遞馬數目素有定制合守前規河南館驛錢物至多本來別庫收貯近日被府司奏請衆同支用遂使遞馬欠缺料糧不充憲司又但務緣循都不提舉宜令東臺館驛使速具條疏分析聞奏東都留守所管兵數不少無非市肆之人緩急抽差全不堪用防衛官闕尤非所宜頃有條疏以革前弊宜令速分析見在闕額并老弱人數聞奏應緣州府經費悉有舊規近者不務在公惟思潤己或聯遇豐稔亦不貢羨餘若小有

水旱即就有論請致令朝廷事力特困全在臣下誠敬無辜自今以後如輒將上供一錢物支用並當加譴責不在原貸之限如本道實有災荒積歲為衆所知者不在限例朝廷徵發兵士固非獲已道途煩遞費勞至多又聞節級須得人事裨補每縣不下五千文盡配疲人深可哀憫自今後但供備無缺輒不得踴前卑配如或違犯縣令本曹官重加貶降吏人決杖配流其都知兵馬使以下並以枉法贓論立法之始當在必行諸處本

欽定四庫全書

唐大詔令集

置作坊只合制造戈兵甲及進獻供須非徐方用軍諸道多無兵器內庫般送填塞道途如聞作坊惟使雜伎弓甲之匠十無一人打築即惟務精新器甲則多妄修整自節察至刺史皆為信臣不能委曲條疏各宜自知改革諸道兵士非惟缺額不堪兼又軍將數多一員敵官健數分又占官健當直遣納課錢其弊數重深要除蕩仰諸道各自檢點如或本自書題又無功効非軍中子弟空請職名者並皆疎理其軍將等各違納課錢者

並准入已贓結罪科斷求畿之內留守彰占最多稍富者不據城外村中盡有一虛明文牒亦犯罪者亦稱此名府縣若追但行牒却取自小則推勘了牒送事重者則與勒停妻留切不得遮奪免致開傷其在京諸司亦仰各依此例如被抑屈但具奏聞且徵兩稅自在有常期苟或先自准驅必致齊人凋弊蓋緣機織未畢特踐未終便須令賣繅繒賤糶斛斗致使豪首迫處富戶吞侵須更申明俾其通濟諸州府如有不依旨限先期徵稅者長史聽奏進止縣令錄事叅軍並停現任書下考不在務恕之限關要之外聲教至遙每念疲人尤多橫役訪聞五嶺諸郡修補廨舍城池材石人工並配百姓至於糧用皆自賣持既不折稅錢又全無優恤永言凋瘵實可憫傷自此委節度觀察使接借米錢并刺史百計收拾運轉別立修造案名額遣幹濟官主持常令急逐修營勿遣大段摧毀永放百姓額外差科已債卹人斯為咸美遐荒賤吏尤可哀矜先於咸通五年梧州程

欽定四庫全書

唐文苑英華

卷七十二

欽定四庫全書

唐文苑英華

卷七十二

十萬石米停貯數載之後方令盤送邕交如聞平濕損傷雀鼠耗折計其所言六萬石餘累載以來亦頗校料徵納主持軍將十餘輩攤保累數百家或科決不輕或資財蕩盡典男鬻女力竭計窮盡虛掛簿書徒為羈繫宜從寬宥用釋殷憂其所欠米委度支一時放免邕南交趾屯駐兵士全無運糧俾其足食湖南江西管内諸郡出米至多豐熟之時價亦極賤綱官若得錢收糶每斗必有盈餘道途既可經營輸納庶無敗闕緣於官倉頽米刮鐵平量既潤資陪便致吞侵耗折所以經年累月舳舻相交江路多有沈淪軍食常憂久缺自今仰所在長吏切須饒潤綱官并令交付腳錢仍與善價糶買嚴示刑賞不使稽遲邕州安南晏州見屯諸道行營兵士合食米錢等三處兵數近四方日食錢米費用極多全在諸道州使巡院饋運相繼免失支持近日以南南為警急抽差皆務徭將相同常事益緣地遠差綱無利皆託以鹽鐵戶部指揮未得分明申報遠邇圖延界分

或有未有本色皆云額望收錢及綱官進發之時欠脚錢途路侵盜錢米所至稽停每發一綱使逾星歲致令供軍使頻申三處月限不相接續所司前後申奏行牒督責非不丁寧蓋緣只有科貶之名曾無必行之令遂致全無凜懼但務緣循若不嚴立科條必恐轉成敗失其諸道州使巡場監院所合搬送南中供軍錢米各委所在長吏併發網船以濟軍用仍委逐道節度觀察防禦經畧刺史差最大判官一人專判校科其巡場監院

欽定四庫全書

唐六帖集卷七下二

十三

官場官自專催促各令設法勾當克濟軍須如依前逗遛不早送申遂使邊軍糧儲久闕供奉不得相續便據所欠錢米處勘遂重加貶責如州使官吏場監院官能罄誠節慎選行綱支遣及至舟船繼至即重議酬獎河東向管延資庫斛斗五十萬石每歲出陳入新之際勞擾州縣百姓至多未有用時積為深弊宜令本道節度使點檢除道路與邊鎮接近緩急堪般充軍糧者即且准前其餘深僻州縣並速條疏分析聞奏義倉斛斗本

防災年所貯積歲多翻成侵害又差重丁大戶充倉督子弟主管凡節察及監軍使刺史縣令到任仍須二毫量差役卿夫數重勞擾每一量復欠折轉多主掌之人貼家竭產生靈塗炭州縣困窮從今後宜五年一度變換便糶貨收錢入冬却糶仍委本道監使常加訪察如有上下蒙蔽欺隱破除聞奏但不要初上之日須重覆量每擾度人朝廷大弊在於令不行只如經水旱州三降勅命不許將逃亡規避見在入戶遭災水旱處有於

欽定四庫全書

唐六帖集卷七下二

十四

見在戶內陪徵或至三陪又近年以來節度觀察使或初到任或欲除移是正二月百姓飢餓之時分遣二日條先抽徵見錢每一千文令納三四百此時無不兩陪三陪生舉債至有賣男女以充納官行彼貪心殘我赤子從今後有如此者必舉極法以謝生靈諸道事例差使結帷法信出於官中答獎歸於私室駐留供備迎送優豐進獻不副常程結好却為公事惟奏欠缺不思本源且鄰境結帷何必事須厚幣來者若為私物去者

何必官錢道慕空門名為釋子若非精進何以住持應城及諸州府僧尼元勅人數外不得轉令私度如有死亡等闕即任據人數堪填補年終聞奏待五年限滿持每收補皆須選擇有戒行事業者勿令濫雜之輩於此容身天下刑獄申到法寺及刑部有經數年不得了絕省事吏競邀賂出入律文大理寺及刑部官僚不親公事致死一案之內半死獄中從今後委中書門下每日點檢如停滯者大則貶降小則停勒其刑部郎中員

欽定四庫全書

唐大詔令集

卷七

外切須選擇亦不得輒其奉使以望賄賂有文案則併送對廳行貨財則獨收私第准咸通十一年條疏諸州刺史三千里外限三十箇月二千里外限二十七箇月近者勒刺史到郡交代則可以計到郡月滿便且除移如新除者則須待月限滿除替其餘內外諸官並依咸通十一年條疏如有有限未滿錯替者任經中書門下過狀便與追勅有過失須替則不在此限兩省官本令先任四赤令貴欲知人疾苦近者纔三五月則替何殊周

生空陪優人從今後宜以十五日為限兩畿令府判司從前吏部注擬項年或除三人兩人近者乃至除望縣令及部尉等中書自不存體百司何以仰瞻其進焉十年本限五年方滿近者旋替年深致使入仕多門三銓無缺從今後如或用年深缺補人兵部郎官必議貶降詞科出身士林所重本貴踐歷漸至顯榮近者惟扇流風皆務踪進麻衣纔脫結綬王畿是能十年宦途今來半歲遷授頗為訛獎須舉重明自今以後進士及第並

欽定四庫全書

唐大詔令集

卷七

須滿二周年後諸道藩鎮及戶部度支鹽鐵及在京諸司方得奏請如未及奏官限內有攝職處一任隨牒攝其弘文館集賢院奏請直館校理並依此日限如出身後諸道奏已請初銜未得而考者輒便奏畿內尉充在職兩考方得依資除官改轉其授使下官先自有月限資序一一須守舊規不得超越比擬准咸通十四年十月九日勅文處分關節取受本身值財素來貧無亦多舉債祇緣從來敕文未甚分明賞罰若行必當止絕自

今以後如有人用錢買官納銀求職敗露之後言告之初取與同罪卜射無捨其錢物等並令沒官送御史臺以贓罰收管如是波斯番人錢亦准此處分其權坊人戶明知事情不來陳告所有物業並不納官嚴加懲斷決流邊遠庶絕此類用其清平樂官乞託本自人情既越舊規過於債員雖累有明勅尚不遵行兩巡不切追擒教場又不鈴轄從來上於方鎮近日方鎮與樂官人事轉多別有遷除例皆乞覓喧呼門戶擁塞階庭以此

欽定四庫全書

唐大詔令集

卷七

得官人不顧除授自今以後除方鎮外兩巡使及諸司外巡切加擒捉如有此色具送本司加禁勘責痛加懲斷以絕此弊近年以來風俗奢侈本營根本各務誇張及第登科傾資竭產屋境踰於制度喪葬越於禮儀為冊使弔贈之臣或爭財貨乞賜章服之類不畏慚羞致使兒童或輕朝列念茲靡費常行歎嗟委中書門下次第條疏稍加改革輸其常賦尚慮不充更或加徵其何以濟近年百姓流散稅錢已多如聞自朝廷用軍有於

百姓正稅外每貫紐四五十文已是數年至今不矜放黎甿冤抑腿脊瘡疾所徵錢財將充諸色支分所添兵則逐月銷減每思此事深可嘆傷其天下緣用軍奏加紐貫錢更有改徵一文其長吏及判官錄事參軍並准入已贓仍不在以官贖之限其鄭州唐道尉在任日加徵稅錢如或却徵亦依此例衡鏡之司去留雖切念其羈寓須與商量支部選人如聞累年駁放至多或文狀舛錯或書判差違有司守文不得不爾況選人例迫

欽定四庫全書

唐大詔令集

卷七

飢寒方自遠來調鼎頻年被駁情實可矜既遇鴻恩合與優假委吏部檢勘去冬選人若有此色除身非名踰濫及欠選欠考外並以比遠殘缺取其情願者特與却收注擬諸道奏官奏者緣要缺舊人不理從今後并須分明具不理罪愆先加懲責有罪空替則是惠姦其奏前資及見任多有虛監頭銜用錢計會從今以後有官更奏者使仰兼通告至進奏院以憑點檢如告身不到不在奏行其虛銜所奏只與九品初任仍奏狀內須是

三代官諱及鄉貫戶頭年幾餘各依資奏請河北三道
不在此限守土長人切資士族品流混雜必害生靈刺
史縣令如是本州百姓及商人等准元勅不令任當處
官不繫高下蓋以事體不可兼又十室几親多有憎愛
一切阻碍公事難行近年此色至多各仰本道遞相檢
察當日勒停百姓商人亦不合為本縣鎮將若有違越
必舉典刑裨補除任實在獎勞奏請繁多則為過濫咸
通七年敕書條疏諸州府奏軍將官不許除上佐如有
欽定四庫全書

唐大詔令集

十九

功須獎即於本管內除授仍不得占優原處近日諸道
不守條章或分兩三度奏來所貴前後不相見但行計
會貴得人多後從自後諸道軍將官並限七月表到京
令之初行宜武臣之叙進據所合奏人數一表令如有
別勞劬者即待明年七月不得兩度貴行欺隱忠臣社
稷誓著山河或盟府書勲或閭宮配食宜舉賞延之典
用彰義烈之名故尚父汾陽王贈太師子儀贈太尉秀實
贈太師晟贈司徒顏杲卿太師真卿許遠張巡南霽雲

子孫中未甄獎者每家與一人正員官安金藏操行中
節實異等倫合為酬庸以勸義士如有子孫與一人正
員官武德以來配享功臣名迹尤著節義顯聞子孫凌
替官閥廢墜未經甄錄者委中書門下搜訪嗣胤量加
優獎慶連宗室義重維城洎文武羣僚恪恭事務用酬
勞績宜降恩私亞獻撫王紘榮王情等各賜物一百疋
夾侍正衣進珪捧珪各賜物五十疋亞獻終獻正衣各賜
物四十疋大長公主嗣王郡主縣主各賜物內外文武

唐大詔令集

二十

見任及致仕官三品以上賜爵一級四品以下加一階
合入三品五品欠者未合叙考者待考足日聽封叙孔
聖之後未加康賓之恩或表崇儒以明繼絕文宣王之
後及二王三恪各與一子官其祠廟委所司量加修飭
義在奉親道惟睦族時中孝敬合示恩榮皇五等以上
親三品以上賜爵一級五品以上加一階六品以下及
前資常選散官簡選日優與處分未有出身備位者准會
昌五年正月三日敕書處分應陪位皇五等以上親三

品以上賜爵一級四品以下加一階親四等並諸色陪位者五品以上加一階六品以下各白衣並賜熟兩轉其前資及後出身各減一選皆懷追養之願盡有榮終之心授任封崇式光存歿常祭官及諸州府長官父母見在未有官封者並量與五品致仕及階并邑號如有官者量與進改如官已至五品以上者即與五品階父母亡歿未經追贈者量與追贈及邑號任崇輔相寄重藩方泊於親軍咸東忠節俾令追贈以顯榮中書門下
欽定四庫全書
唐大詔令集
卷七十二
三
及節度使帶平章事者各與一子八品正員官祖父母父母亡歿各與追贈已經追贈者更與追贈節度使與一子正員九品官東都留守度支鹽鐵使觀察處置都團練防禦經畧招討使皇城留守各與一子出身先亡歿未追贈者各與追贈度奉典章肅供祀事宜單濫澤以獎勞能禮儀使大禮使京兆府尹各與一子正員九品官應郊廟升壇行事官溥恩外中書門下尚書省御史臺三品以上特加一階四品以下各加一階如入三

品者量減三考入四考者量減三考入五品者量減兩考仍待考足日聽叙其合選人與減一選內行事者官三品以上賜爵一級四品以下更加一階內侍省及內坊官四品以上各賜熟五轉五品以下各賜熟三轉應從駕至郊廟者溥恩之外三品以上賜爵一級四品以下各加一階白衣賜熟兩轉位列牙爪職掌警衛念其宣力宜加勳勞

欽定四庫全書

唐大詔令集
卷七十二

三

唐大詔令集卷七十二